



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. II. Cui ineumbat onus probandi, vel quis probare debeat.

[urn:nbn:de:hbz:466:1-61641](https://nbn-resolving.de/urn:nbn:de:hbz:466:1-61641)

TITVLVS XIX.

DE PROBATIONIBUS.

§. I.

Quid, & quotplex sit probatio?

Recè definitur probatio in genere, quod sit actus judicialis, quo per instrumenta, aut testes, aut idonea argumenta de re controversa iudici fit fides. Dividitur autem priuò in artificialem, quæ arte & industria probantis ex ipsa causa & circumstantiis facti desumitur, & in inartificialem, quæ à testibus v.g. extra caulam ad fidem faciendam assūmitur. Secundò dividitur in plenam, & semiplenam: plena plenam facit fidem dare in judicium deducta, ut ad sententiam ferendam iudex plenè instructus sit: Semiplena, quæ etiam imperfæcta dici potest, est illa, quæ aliquam quidem, non tamen plenam fidem iudici facit, ut ex illo jure moveri possit ad sententiam ferendam pro hac vel illa parte, &c. addunt aliqui mixtam, quæ ex duabus semiplenis probationibus sit, quæ si ad eundem finem tendat, coniunguntur (saltem in causis Civilibus) ad unam plenam probationem faciendam, (sive sine ejusdem, sive diversi generis probationes) non autem si ad diversos fines tendant; cùm in illo casu, quæ singula non probant, collecta juvent, iuxta Gloss. fin. in c. Cùm causam 13. h. t. In hoc verò casu, cùm ad diversa tendant, non possunt unum idemque probare.

Tertius, dividitur in judicialem, quæ fit

in judicio post litis contestationem, & qua judicium strictè inchoare dicitur, & in extrajudiciale, quæ fit extra judicium, vel ante litis contestationem. Quartò denique alia juris, alia facti probatio aliquibus dicitur, quæ si velit, quod jus aliquando probandum sit, aliquando vero factum, verum quidem dicit de facti probatione, de juris autem probatione admitti non debet, cùm ea, quæ juris sunt, non indigeant probatione, tanquam per se certa, & iudicata.

§. II.

Cui incumbat onus probandi, vel quis probare debeat,

Affirmanti incumbere onus probandi ordinariè communis regula docet, & hinc tam in Civilibus, quam in Criminalibus, tam in Spiritualibus, quam temporalibns, &c. actor, sive accusator probare debet suam affirmationem, & reus suam exceptionem affirmativam, nisi absolute ob præsumptionem juris pro actori, totum probandi onus transfertur in adversarium, iuxta L. Cùm de indebito 25. ff. b. t. & c. Vnicum. Ut Eccles. benef. fin. dimi. conf. junctâ Glossâ V. Actor non probante, & juxta receptam Gloss. in c. Ex insinuatione 3. V. Probare potuerit. De procurat. Vel nisi sponte in se receptorit Reus onus probandi, aut à iudice

Iudice juramentum probationis loco Reo deferatur, quod accepere debet. Et quamvis ille, qui absoluē negat factum aliquod, non teneatur probare eō quōd iuxta c. Bona, 23. De elect. negantis factū per retum naturam (sive secundūm cursum naturæ loquendo) nulla sit probatio, & non entis nullæ sint differentiae, proprietates, definitiones, &c. ex quibus probationes desumi debent, potest tamen nonnunquam per juramentum proprium delatum, proposicio etiam negativa probari; vel per præsumptiones, ita ut saltem onus probandi in adversarium rejiciatur; vel quōd super negativa propositione fundat intentionem suam allegans; vel per negantis propriam confessionem, si tamen talis confessio probatio dici potest. Quin itā, si propositio negativa facti determinata sit, ad certum locum, tempus, vel alias circumstantias potest probari saltem indirectè, circumstantias tales, quæ sub sensum cadunt, probando; (& sic qui asserit, se tali tempore in loco tali non fuisse, probat negativam, se non occidisse talem in tali loco, se cum hoc non contraxisse tali tempore, &c.) vel si propositio negativa facti prægnans sit, virtualiter saltem & implicitè propositionem affirmativam continentendo, directè etiam ea probari potest, quo modo probat, se non liberè renunciāsse, qui probat coactum se renuntiāsse; vel quando contra juris præsumptionem negatur in aliquo qualitas de jure requisita, quod probari debet, quia quilibet præluminus esse idoneus, nisi contrarium probeatur.

••(0)••

§. III.

Quis probare debeat in judicis communibus, & quomodo probationes utriusque partis litigantis fieri, & non debeant in interdicto retinenda possessionis?

In Judicis communibus, sive dupli bus (cujusmodi sunt hęc tria Familia herciscundæ, Communi dividundo, & Finium regundorum) uterque litigium probare debet, quia quilibet sicut Actor & Reus est, prout habetur in l. Inter. 44. §. Qui familla. 4. ff. Fam. herciscund. Et c. Ex litera. 3. b. t. ita tamen, ut qui prior ad judicium provocavit, magis Actoris, quam Rei locum habeat, & prior de calumnia jurate debet.

In interdicto retinendæ possessionis, quando utraque pars contendit, se in fiduciam possidere eandem rem, utrum Reus & Actor est, & utriusque pars probationes à Iudice recipi debent, cum possessionis, cum tituli, si offerant se ad illum probandum, ut exinde apparet, pro qua parte pronuntiandum sit, prout sumitur ex c. Licer causam 9. b. t. vel si appareat, quis habeat possessionem sive priorem.

§. IV.

Vtrum Reus teneatur exhibere & actor ad probandam intentionem ejusdem instrumenta, seu documenta contra se? & an Actor, quando plene probatis, cogi possit ad jurandum?

R Eus in judicio conventis non tentatur exhibere propria instrumenta Actori contra se, ad fundandam illius intentionem.